

**Na sesión ordinaria da Comisión Informativa de Presidencia, Réxime Interior, Modernización da Administración, Facenda e Especial de Contas, que tivo lugar o día 22 de abril de 2021, ditaminouse o seguinte punto:**

### **3. RESOLUCIÓN DE ALEGACIÓN E APROBACIÓN DEFINITIVA DO ORZAMENTO E CADRO DE PERSOAL DO CONCELLO PARA O ANO 2021.**

A proposta da concelleira delegada de economía e facenda, de data 19 de abril do corrente ano, en relación ao presente punto, ten o seguinte contido:

#### **“ANTECEDENTES**

Vista a alegación presentada en data 13.04.2021 por Dna. Lourdes Pedrazuela Bea, en representación da sección sindical USO, ao Orzamento Xeral e ao Cadro de Persoal do Concello de Santiago de Compostela do exercicio 2021.

Vista a certificación emitida polo Sr. Vicesecretario do Concello que consta no expediente electrónico do orzamento onde se identifica a alegación anterior como a única que consta recibida no prazo de exposición pública en relación ao expediente de aprobación inicial do Orzamento Xeral e ao Cadro de Persoal do Concello de Santiago de Compostela do exercicio 2021.

Visto o informe emitido con data de 15.04.2021 polo director de área de Recursos Humanos, Avaliación, Modernización e Réxime Interior en contestación a alegación antedita.

Visto o informe-proposta que consta no expediente electrónico do Orzamento Xeral e do Cadro de Persoal do Concello de Santiago de Compostela do exercicio 2021 de Ref. 29/2021, asinado en data 19.04.2021 polo técnico da oficina de orzamentos, de **ASUNTO: INFORME-PROPOSTA SOBRE AS ALEGACIÓNS PRESENTADAS Á APROBACIÓN INICIAL DO ORZAMENTO XERAL E DO CADRO DE PERSOAL DO CONCELLO DE SANTIAGO DE COMPOSTELA PARA O EXERCICIO 2021.**

#### **CONSIDERACIÓNS**

**Primeira.-** En cumprimento do artigo 169.1 do TRLRFL publicouse no BOP nº 55 do 24.03.2021 o anuncio de aprobación inicial do orzamento xeral e cadro de persoal do Concello de Santiago de Compostela para o exercicio 2021, aprobado polo Pleno da Corporación na sesión do 17.03.2021.

No prazo establecido ao efecto, presentou alegacións Dna. Lourdes Pedrazuela Bea, en representación da sección sindical USO, respecto das que o Pleno dispón dun mes para resolvelas -artigo 169.1 do TRLFL-.

**Segunda.-** No relativo á lexitimación activa para presentar alegacións, o artigo 170.1 do TRLRFL establece que, para estes efectos, teñen a consideración de interesados:

- a) Os habitantes do territorio da respectiva entidade local.
- b) Os que resulten directamente afectados, aínda que non habiten no territorio da entidade local.
- c) Os colexios oficiais, cámaras oficiais, sindicatos, asociacións e demais entidades legalmente constituídas para velar polos intereses profesionais ou económicos e veciñais, cando actúen na defensa dos que lle son propios.

A lexitimación para formular alegacións sobre o orzamento e cadro de persoal municipais -aprobados inicialmente- da Sra. Lourdes Pedrazuela Bea -en tanto que actúa en representación da Unión Sindical Obrera (USO)- está amparada no apartado c) do artigo 170.1 do TRLRFL.

**Terceira.-** O TRLRFL prevé unha serie de motivos taxados polos que cabe formular reclamacións contra o orzamento inicialmente aprobado. O artigo 170.2 do TRLRFL dispón que unicamente poden presentarse reclamacións contra o orzamento:

- a) Por no terse axustado na súa elaboración e aprobación aos trámites establecidos nesta Lei.
- b) Por omitir o crédito preciso para o cumprimento de obrigacións esixibles á entidade local, ao abeiro de precepto legal ou de calquera outro título lexítimo.
- c) Por ser de manifesta insuficiencia os ingresos con relación aos gastos orzamentados ou ben destes respecto das necesidades para as que estea previsto.

Concíbese como un sistema de numerus clausus que obstaculiza alegar ou reclamar contra o orzamento por cuestións distintas das citadas.

**Cuarta.-** Neste sentido, a alegación presentada foi remitida desde a oficina de orzamentos ao departamento de persoal para que se pronunciase sobre a súa estimación ou desestimación, constando informe de contestación no expediente do orzamento emitido con data de 15.04.2021 polo director de área de Recursos Humanos, Avaliación, Modernización e Réxime Interior que conclúe que a alegación presentada non entra en ningún dos motivos taxados que recolle o mencionado artigo 170.2 do TRLRFL, propoñendo ao Pleno da Corporación, órgano ante a que a presentan, que a resolvan rexeitándoa, e que en consecuencia se determine a aprobación definitiva do Orzamento e o Cadro de Persoal do Concello de Santiago de Compostela para o exercicio 2021.

**PROPOSTA**



Á vista de canto antecede, propónse á Comisión de Presidencia, Réxime interior, Modernización da Administración, Facenda e Especial de contas, que adopten os seguintes ditames:

**PRIMEIRO.-** Desestimar a alegación presentada por Dna. Lourdes Pedrazuela Bea, en representación da sección sindical Unión Sindical Obrera (USO), por non atopar cabida en ningún dos supostos previstos no artigo 170.2 do TRLRFL.

**SEGUNDO.-** Aprobar definitivamente o Orzamento Xeral do Concello de Santiago de Compostela para o exercicio 2021, composto polo da entidade matriz, o seu organismo autónomo “Auditorio de Galicia” e o das sociedades mercantís integramente participadas, Información e Comunicación Local S.A. (INCOLSA) e Sociedade Municipal de Xestión do Transporte Urbano de Santiago S.A. (TUSSA).

**TERCEIRO.-** Aprobar o cadro de persoal para o exercicio 2021 da Entidade local e do seu Organismo autónomo.

**CUARTO.-** Aprobar as Bases de Execución e restante documentación complementaria que integra o Orzamento municipal de 2021.

**QUINTO.-** Se consideran anuladas as modificacións orzamentarias aprobadas sobre o orzamento do Concello 2020 prorrogado para 2021 que se relacionan no listado anexo a esta proposta. As dotacións afectadas polas anteditas modificacións de crédito considéranse incluídas nos créditos iniciais deste orzamento definitivo 2021 (artigo 21.6 do RD 500/1990, de 20 de abril).

**SEXTO.-** Se consideran anuladas as modificacións orzamentarias aprobadas sobre o orzamento do organismo autónomo “Auditorio de Galicia” 2020 prorrogado para 2021 que se relacionan no listado anexo a esta proposta. As dotacións afectadas polas anteditas modificacións de crédito considéranse incluídas nos créditos iniciais deste orzamento definitivo 2021 (artigo 21.6 do RD 500/1990, de 20 de abril).

**SÉTIMO.-** En cumprimento do preceptuado no artigo 169 do TRLRFL, o Orzamento Xeral, definitivamente aprobado, deberá ser obxecto de publicación no Boletín Oficial da Provincia, resumido por capítulos de cada un dos orzamentos e estados que o integran, e entrará en vigor, no exercicio correspondente, unha vez publicado no artigo precitado e surtirá efectos desde o un de xaneiro.

**OITAVO.-** Do orzamento xeral definitivamente aprobado, remitirase copia a Administración do Estado e a Comunidade Autónoma. A remisión realizarase simultaneamente ao envío ao Boletín Oficial ao que se refire o apartado anterior.

**NOVENO.-** De acordo ao previsto no artigo 171 TRLRHFL, contra a aprobación definitiva do orzamento poderá interpoñerse directamente recurso contencioso-administrativo, na forma e prazos que establecen as normas da indicada xurisdición. A

interposición de recursos non suspenderá por si soa a aplicación do orzamento definitivamente aprobado pola Corporación municipal.”

Á vista da proposta transcrita, e demais documentación que obra no expediente a Comisión cos votos a favor dos/as concelleiros/as do grupo municipal Socialista e a reserva de voto dos/as concelleiros/as dos grupos municipais do Partido Popular, de Compostela Aberta e do BNG, para a sesión plenaria na que se trate o presente asunto, ditamina:

**PRIMEIRO.-** Desestimar a alegación presentada por Dna. Lourdes Pedrazuela Bea, en representación da sección sindical Unión Sindical Obrera (USO), por non atopar cabida en ningún dos supostos previstos no artigo 170.2 do TRLRFL.

**SEGUNDO.-** Aprobar definitivamente o Orzamento Xeral do Concello de Santiago de Compostela para o exercicio 2021, composto polo da entidade matriz, o seu organismo autónomo “Auditorio de Galicia” e o das sociedades mercantís integramente participadas, Información e Comunicación Local S.A. (INCOLSA) e Sociedade Municipal de Xestión do Transporte Urbano de Santiago S.A. (TUSSA).

**TERCEIRO.-** Aprobar o cadro de persoal para o exercicio 2021 da Entidade local e do seu Organismo autónomo.

**CUARTO.-** Aprobar as Bases de Execución e restante documentación complementaria que integra o Orzamento municipal de 2021.

**QUINTO.-** Se consideran anuladas as modificacións orzamentarias aprobadas sobre o orzamento do Concello 2020 prorrogado para 2021 que se relacionan no listado anexo a esta proposta. As dotacións afectadas polas anteditas modificacións de crédito considéranse incluídas nos créditos iniciais deste orzamento definitivo 2021 (artigo 21.6 do RD 500/1990, de 20 de abril).

**SEXTO.-** Se consideran anuladas as modificacións orzamentarias aprobadas sobre o orzamento do organismo autónomo “Auditorio de Galicia” 2020 prorrogado para 2021 que se relacionan no listado anexo a esta proposta. As dotacións afectadas polas anteditas modificacións de crédito considéranse incluídas nos créditos iniciais deste orzamento definitivo 2021 (artigo 21.6 do RD 500/1990, de 20 de abril).

**SÉTIMO.-** En cumprimento do preceptuado no artigo 169 do TRLRFL, o Orzamento Xeral, definitivamente aprobado, deberá ser obxecto de publicación no Boletín Oficial da Provincia, resumido por capítulos de cada un dos orzamentos e estados que o integran, e entrará en vigor, no exercicio correspondente, unha vez publicado no artigo precitado e surtirá efectos desde o un de xaneiro.



**OITAVO.-** Do orzamento xeral definitivamente aprobado, remitirase copia a Administración do Estado e a Comunidade Autónoma. A remisión realizarase simultaneamente ao envío ao Boletín Oficial ao que se refire o apartado anterior.

**NOVENO.-** De acordo ao previsto no artigo 171 TRLRHFL, contra a aprobación definitiva do orzamento poderá interpoñerse directamente recurso contencioso-administrativo, na forma e prazos que establecen as normas da indicada xurisdición. A interposición de recursos non suspenderá por si soa a aplicación do orzamento definitivamente aprobado pola Corporación municipal.

Santiago de Compostela, 23 de abril de 2021.

O SECRETARIO XERAL DO PLENO,